

廣州城坊志卷五

黃佛頤墓

西城總述

西門橋嘉靖丁亥以石改建

嘉靖志

按明天順間番禺路江莫氏有娶西門洗馬橋梁姓者見莫氏譜洗馬橋未知何地附載於此

杜允和河南人李成棟之愛女己丑九月攝兩廣篆事

羊城庚寅正月初七日大清兵過嶺允和與三司江本

等子十四日出城登舟仍泊海珠寺側俟烽火照影即挂

帆虎頭門不意候至月餘終杳無音耗允和後率三司官

屬入城各派汛地為固守計至二月初四日大清兵始至

駐營城北。仰攻甚難。蓋羊城東南二面距珠江。北城濠外
有二里許。汙田人馬不得站立。惟西門一帶為山麓。允和
為石重城守之。珠江以南五大縣錢糧輸貢不懈。二月至
十月大戰。允和晉封豫國公。十月初十日庚寅。永曆聖誕。
杜允和會齊文武官于五層樓拜祝。時有守西門外城主
將范承恩亦在焉。承恩本淮安府皂役。從成棟入廣者。目
不識丁。故綽號草包。時允和直呼之。承恩謂辱之於眾也。
恨甚。遂潛通平南靖南二王。十月二十八日戊申。大清兵
竟攻西外城。承恩退入裏城。而外城失矣。連攻三日。十一
月初二日辛未。未刻羊城崩陷。允和仍率三司官屬攜兩
廣總督印航海而去。後二年俱歸順。海南平。計六奇明季南略

咸豐丁巳粵東海氛不靖當事者祖於星術家之言專務鎮靜全不設備遂於十一月十四日黎明省城被陷其時居城者倉卒聞變無所為計幸西城未閉皆相率奪門而出男女輜重絡繹於道

俞向慶荷
鄭筆記

西濠

西濠在城西洪武初因舊址修濠時東南二濠與西濠合流入江嘉靖五年引東南二濠皆匯於西濠至城西入江

大清
一統志

古濠發源自羊城東北迤西而南經第一津至丹桂第八鋪打銅街之左接外城太平門西水關為東西分歧之處歧而東者曰東濠今之濠畔街以東是也東注東水關東

礮臺雞翼城卽雁翅城而南出珠江匯鷺潭下流之水歧而西者曰西濠今之第十四舖馬頭以西是也西注柳波涌而南出白鷺潭匯珠江上流之水北東西三面環抱外城本如丁字與玉帶河相貫易糧舟楫東西轉輸後於西水關之右向南一道開普濟橋迴瀾橋水口直達珠江始將第十四舖馬頭塞斷今之旱橋及青雲里淘沙壚以西三百三十五步民居櫛比衢巷毗連不復見古濠北東西三面貫注之蹟直至光雅里華光神廟後壁馨蘭里渠口始見西濠之面自此處婉曲旋繞至柳波潭口約四百丈另成一版今之重濬西濠者自馨蘭里始若復遠溯上流東接西水關必須控掘淘沙壚以東至第十四舖馬頭一

帶街道始能與西水關相接又須斷塞普濟橋迴瀾橋水
口只存東西礮臺兩港今通鷺潭珠江潮汐與東濠互相
灌輸為事既迂變更亦甚工程愈大奏效維艱故無庸遠
言復古也

錢謙益讀書樓詩
鈔西濠曲詩自注

按凌揚藻嶺海詩鈔云魁字他凜切見廣東新語

古西濠本玉帶河岐出而西自第十四鋪馬頭起直到吳
蓉頭始行入海後於西水關之右開普濟橋迴瀾橋一路
直達珠江遂將第十四鋪馬頭塞斷今之旱橋青雲里閘
沙 equal 處民居櫛比不復見西濠故道惟自光雅里華光
廟後壁馨蘭里渠口始復見西濠之面目自此入德興橋
大觀橋等處婉曲旋繞始至柳波涌凡六百餘丈自成一

段今宜疏而通之使與西濠合復令新填之地若今蘆桂
新街等處俱置濠渠以洩之則渠道既分而水勢亦減矣

任中律
海續志

黎氏宗祠在城西西濠邊為宋參政黎宗遠建督糧道將

伊題記

乾隆
海縣志

西濠在郡城西宋經略使陳峴浚濠通江建東西二閘元至元中宣慰使世傑班始建木橋高跨西壩以通往來名曰太平橋明成化間韓雍改甃以石濠自西流達江舟楫出入雖海風大發不能為患嘉靖間御史涂相從郡人彭澤議分東西長流迤西直入于海建大觀橋其上後提督都御史戴耀巡按李時華開復太平舊濠遶新城而南達

于珠江實為省會永利既通

會城之南環以珠江自趙宋時開二濠以引江水納於隍
中東南由永興橋入西南由太平橋入逶迤北折匯於歸
德橋而止明嘉靖初別開新河由十四舖達柳波涌以返
於江而太平之濠廢萬曆中復太平濠塞十四舖新河仍
留桂蘭里以下卽今大觀河是也數十年來濠身日闕前
之人嘗議疏濬之功迄弗就庚午歲予奉命旬宣來粵
乃躬相地勢博採輿論東南起濠口西南盡柳波涌塞者
通之斷者續之涸者浚之合者廓之室之據其中者移之
橋之庫而舟航難達者高之濠之廣以丈六尺為準橋之
高以水平為準數月之內頓還其舊觀曾煥疏濬記

按壬申為嘉慶十六年，記為十七年立。

又按輿地紀勝，邵暉知廣州，鑿內濠以泊舟楫，不為颶風所害。廣人歌之，暉以真宗大中祥符初知廣州，暉從志勝鑿濠事在峴前，蓋峴以真宗嘉定三年任經略也。

西關

羊城西郭外，其地統名西園，即俗稱西關也。輿臺徵

踰龍津橋而西，烟水二十餘里，人家多種菱荷，菰菰薺片。

之屬，其地總名西園矣。廣東新語

菱出廣州西園者，色明平肉尖，肉輕脆甘美。阮通志

廣州西郊為南漢芳華苑地，故名西園。土沃美，宜蔬多池。

塘之利每池塘十區種魚三之菱蓮茨菇三之其四為藕
田以篾為之隨水上下是曰浮田一名架田亦曰簪冬時
去簪以種芹而浮田不見矣芹生冬春之交得木氣先長
至四五尺莖白而肥以西園所產為上

新廣錄

廣州城西九里曰花田盡栽茉莉素馨

謝府韓玉引
松窗詩注

太平門外率稱西關同光之間紳富初開新寶華坊等街
已極西關之西其地距津塘南岸等鄉尚隔數里光緒中
葉紳富相率購地建屋數十年來甲第雲連魚鱗櫛比菱
塘蓮渚悉作民居直與津塘等處壤地相接僅隔一水生

齒日增可謂盛已

續城南志

五羊舊多名園在城西者曰西疇吳光祿所種梅花最盛

五里至荔枝灣南漢顯德園在焉又五里為三角市中為
花田漢素馨香莖處也半塘有花塢華林園皆南漢故迹其
地總名西園

劉世馨

按西關地有名西塢番禺路江莫氏譜已載其名今
未詳其處

葉廷勳廣州西關竹枝詞十首云大觀橋下水潺潺大觀
橋上路彎彎儂家自愛橋西住夜夜橋東帶月還一圍楊
柳綠陰濃紅尾旗翻認押冬映日玻璃光照水樓頭剛報
自鳴鐘古寺長安日出遲鋪陳百貨欲居奇珍奇不少傳
家寶流落民間價不知不夜元宵徹鼓鑼蓬萊基尾踏春
過宜男俗尚青青菜采送外頭結子多豔說名花是美人

素馨香名字喚來頻花田舊址無花種花月花魂認化身
榴銀盒送香墜小婢青絲覆額齊為問隔鄰諸姊妹天孫
曾否渡河西佳節中秋興不孤浪游儔侶逐羣吟人傳今
夕山歌會試問黃沙去也無東鄰西舍月當樓年少良宵
狎冶遊銀甲冰絃挑撥處風流人解愛揚州阿姨家近繡
衣坊嫁得閩商慣趁洋聞道昨宵巴塞轉巴塞身安南分
船多趁滿船都載海南香西園春事劇繁華春到園林處
處處花事一隨春色去朱門休問舊人家
梅花書屋近體詩

西門外街三十六樓實三

石園街 第四舖 第五舖 新會街 蕉園 康公直

王家園 長庚里 披雲洞 李家園 積金巷 攀

桂里 歷榮里 三元坊 麻紗巷 小馬洞 第五鋪
第四鋪水脚 馬草步 長庚里 第三鋪 桃源 第
二鋪 宜民市 百子里 馨蘭坊 連桂坊 萬善里
槐帽巷 高第巷 敬梓里 西華洞 蘆荻巷 興
和里 三角塘 子癸坊 德甯里 德安里 植福里

南海縣志

按南海縣志已載第二鋪屬大北門外街此重出

萬壽亭在西門外康熙四十七年建

南海縣志

萬壽亭往清遠橫潭大甯沙渡二往清遠橫潭新沙渡

往清遠石角渡 往橫潭渡二 韋涌往省萬壽亭渡

南海縣志

按同治廣州府志萬壽亭諸渡附天字馬頭日近亭
後豈日近亭即舊萬壽亭而西門外之萬壽亭久已
遷建與

墟市

長壽巷

墟在新城外

撒金巷口市

宜民市

青紫坊市

沙角尾市

三摩

地市

大觀橋市

清平集市

十七甫市

半塘街市

俱在新城外
南海縣志

城西砲臺曰西窰曰西關曰永清

乾隆南海縣志

蕉園大街

按陶穀清異錄云南海城中蘇氏園幽勝第一廣主

嘗與幸姬李蟾妃微行至此憩酌綠蕉林廣主命筆
大書蕉葉曰扇子儂蘇氏於廣主草宴之所起扇子
亭而梁廷枏南漢書則云園在興王府城外似較可
信故老相傳此地卽園故址又李蟾妃南漢書不知
何時人據近人濰陽陳氏所藏乾和四年造像有李
蟾妃題識則廣主當為高祖劉龍天也

石岡街

中憲家廟在城石岡街知府馮夢吉為祖教諭驄三代建

乾隆
縣志

馬氏大宗祠在城石岡街

乾隆
縣志

浮邱社在縣治西門外一里舊傳周浮邱公曾遊其地晉

葛洪煉丹于此有珊瑚井歲久沒為民居大學士趙志皋
萬曆八年由侍讀出為清軍使者詢得其實遂闢而拓之
建朱明館以奉浮邱葛洪仙又建晚沐堂大雅堂紫烟樓
聽笙亭挹袖軒郡中詞臣騷客醵詠其間至二十九年督
稅太監李鳳復闢地創廟宇改為廣仁觀貯道藏十二函
計幅員三十餘畝

乾隆南
海縣志

浮丘山在府城西四里相傳為浮丘丈人得道之地羅浮
記云浮丘即羅山朱明之門戶先在水中若浮丘然四面
篙痕宛然宋初有陳崇執耆年百二十歲自言兒時見山
根舟船數十今去海已四里矣

大明一
統志

周浮邱公靈王時偕王子晉上嵩山後適羅浮得道常住

來廣州西門外後人指其地建浮邱社塑像祀之州府志

按廣東新語云考列仙傳浮邱伯姓李氏不言浮邱

叔意丈人其即伯欒然浮邱伯班固以為荀卿門人

服虔以為秦時儒生高后時浮邱伯在長安楚元王

交嘗愛詩於浮邱伯又遣子鄢客與申公俱卒業當

時浮邱伯或與安期生為友安期生至粵而浮邱伯

亦相從而至耶屈氏說與廣州志說異俟考

浮邱山在州西四里上有朱明觀下有挹袖軒即浮邱丈

人得道之地集地

珊瑚井在浮邱山輿地

珊瑚井萬洪嘗煉丹於此南海神以珊瑚為獻故名南海